

Protocol no. 108Sezzüda da mardi, als 30 settember 201420.00h – 23.00h

Preschaints: Albert Mayer, Andri Poo, Men Caviezel, Dumeng Jann, Marianne Werro-Lehmann e Marco Fallet (protocol)

Protocol

Il protocol no. 107 da la sezzüda da gövgia, als 18. September 2014 vain approvà.

967 021 FABRICA
Iris Zürcher, prolungaziun per ün on fin 14.10.2015 dal permiss Curtin Sot, isolaziun externa, parcella no. 365 chasa no. 13

La cumischiun ha examinà la fatschenda e quella ais in uorden. Cun quai cha las lavuors previssas nu's cuntrafan a l'uorden per 2. abitaziuns po quista prolungaziun gnir concessa. Il cussagl conceda la prolungaziun dal permiss fin als 14 october 2015.

968 021 FABRICA
Hans J. Schürmann;fouras geotermicas La Motta, parcella no. 204

Davart l'uffizi chantunal per la natüra ed ambiaint (ANU) ais il permiss avant man e la cumischiun ha trattà la fatschenda, la quala ais in uorden. Las fouras vegnan a star sün terrain cumünal. Il cussagl conced'ìl permiss suot la cundiziun, cha la via cumünala tangada vain davopro darcheu remissa in seis stadi oriund.

969 021 FABRICA
Energia Engiadina, nouva staziun da trafo Spinatscha

Il permiss davart dals uffizis chantunals e federals sun avant man. Dürant il temp da publicaziun i'l fögl uffizial nu sun entradas ingünas protestas. Uschè conced'ìl cussagl il permiss da fabrica in basa da la documainta avantman.

970 021 FABRICA
Cumün politic Sent, ingrondimaint abitaziun dal pedel da la chasa da scoula a, Sarandschasch, parcella no. 48

Il temp da publicaziun scrouda als 02.10.2014. Tuotta documainta ais avantman e davart da la cumischiun da fabrica ais la fatschenda eir in uorden. Il cussagl decida da conceder il permiss culla resalva chi nun aintran ingünas protestas fin il plü tard als 04.10.2014. Las lavuors vengon effectuadas dürant il temp da vacanzas.

971 021 FABRICA
Eduard e Heidi Kny-Stöckli, drenascha e ramassamaint aua
(mürs chasina) Plan da Chavas, parcella no. 16/1171

L'intent da fabrica vain valütà sco procedura d'annunzcha e davart da la cumischiun da fabrica sco eir davart dal manader tecnic ais la fatschenda in uorden. Is tratta da lavuors urgiaintas da mantegnimaint, voul dir chi vain chavà oura suot il local existent vers nord. Las lavuors nu tangheschan ne il stabilimaint e nu chaschunan müdamaints da terrain externs. Il spazi vöd nu das-cha davopro gnir ütilisà per scopo.d'abitar. Il cussagl conced'ìl permiss da fabrica.

972 021 FABRICA
Crusch Blaua, sanaziun saiv dal üert a Schigliana, parcella no.
118 e 146, chasa no. 146

L'intent da fabrica vain valütà sco procedura d'annunzcha e davart da la cumischiun da fabrica sco eir davart dal manader tecnic ais la fatschenda in uorden. L'orientaziun als vaschins ais eir gnüda fatta e quels van d'accord culla fatschenda.

973 805 MEGLIORAZIUN
Proget sauaziun Sent; posiziun sülla charta da l'uffizi chantunal,
D. Buschauer

Il termin pella sezzüda previssa cun tuottas parts tangadas vain fixà süls 20 october 2014.

974 300.365.50 Cultura / contribuziuns e donaziuns diversas
Pendicularas Motta Naluns SA; occurrenza «Schneesportshow»;

Da quella vart vain inoltrà la dumonda pella contribuziun da fr. 1'800.00, quai sco fingià survgni l'on passà dal cumün da Sent. (Sent e Ftan fr. 1'800.00, Scuol fr. 3'600.00). In vist'a la fusiun dals cumüns stuvarà lura in avegnir la dumonda gnir inoltrada al cumün fusiunà. Il cussagl decida da conceder la contribuziun da fr. 1'800.00. La somma vain resguardada i'l büdschet dal 2015.

975 830 TURISSEM
Permiss d'ustaria; società «Irish Pub Sent» Bar Sala

La persuna respunsabla, Reto Rauch; dumonda pel permiss per manar ün'ustaria illas localitats da la bar Sala, quai in nom da la società «Irish Pub Sent». Ils uraris d'avertüra vegnan indichats illa dumonda da ca. a las 15.00h – 02.00h e per regla adüna da la gövgia fin la dumengia. L'avertüra ais previssa süls 1. december 2014.

Il cussagl decida da conceder il permiss suot las üsitadas cundiziuns ed in basa da la ledscha correspondententa.

976 300.365.50 Cultura / contribuziuns e donaziuns diversas
Proget da lavur per giuvenils a Martina in marz 2015

M. Werro suottametta la fatschenda e la dumonda per ün sustegn finanziel da fr. 500.00. Il cussagl decida, analog eir ad oters cumüns, da conceder quella somma.

977 830

TURISSEM

BAW / successur(-a) per Armon Nuotclà

M. Werro infuormescha, ch'Armon Nuotclà as retira da la lezcha. Il cussagl discuta, schi's vuless inserar subit i'l Mas-chalch a reg. la successiun. Sco prüm vain uossa però sclerida la fatschenda cul manader tecnic, quai per savair schi'd ais previssa üna nouva soluziun i'l cumün fusiunà.

978 300.365.50

Cultura- sport / contribuziuns e donaziuns diversas

God Grischun / concorrenzas forestalas nordicas europeicas a Lenzerheide

Davart da nos silvicultur e president da God Grischun, Mario Riatsch, il qual ais eir involvà ill'organisaziun, ais gnü inoltrà la dumonda per ün sustegn finanziel. Il cussagl decida da conceder la contribuziun da fr. 500.00.

979 860

PROVEDIMAINTE ELECTRIC

CEE Corporaziun Energia Engiadina; constellaziun dals delegats e da las fracziuns davu la fusiuns dals cumüns

La revisiun dals statuts da la Corporaziun dals cumüns concessiunaris (CEE) ais gnüda suspaisa sün giavüsch dals cumüns da Zernez e S-chanf per spetar ils resultats da las votumaziuns davart las fusiuns in connex cullas rapreschantanzas (numer da delegadas/delegats) dals cumüns venturs.

A partir dals 1. schner 2015 ha la Corporaziun be amo 4 commembers A (Valsot, Scuol, Zernez e S-chanf). Davart il president dals cumün concessiunaris, Not Carl, vain dumondà il parair dals cumüns, pustüt eir dals cumüns d'hoz, chi sun davu eir rapreschantats i'ls novs cumüns fusiunats, minchün cun ün cusglier cumünal. I vegnan preschantadas 4 variantas pussiblas. Quellas van da 30 delegats (stadi actual dad hoz = 2 per cumün), 22, 18 fin giò sün nov 15 delegats.

Il cussagl se'xprima süllas dumondas sco segua:

- a) Quants delegats dess la Corporaziun avoir a partir da l'on chi vain, 30 sco fin uossa, o lura be amo 22, 18 o 15 (guardai las remarchas da Fritz illas agiuntas)?

Mantegner il gremi cun 30 commembers.

- b) Che pensaivat da l'idea cha pro'ls cumüns fusiunats dessan las fracziuns (chi sun fin als 31 december 2014 cumüns concessiunaris) avoir inavant 1 o 2 delegats (elets natüralmaing dal cussagl dal cumün fusiunà)?

Las fracziuns dessan avoir inavant delegats elets dal CC.

- c) Che pensaivat da l'idea d'integrar eir ils grondcusgliers chi abitan i'ls cumüns concessiunaris sco delegats?

Üna part dals temas chi occupan pel mumaint ils CEE sun da gronda portata politica e l'integraziun dals grondcusgliers füss ün avantag. Ils grondcusgliers dessan esser automaticamaing delegats.

Eir pro la EE-ENERGIA ENGIADINA esa da gnir ad üna nouva soluziun areguard il nomer da delegats pro cumün.

Senda da flora vers Vastur

M. Werro infuormescha, cha G. Salamon s'occupaiva fin da qua cul mantegnimaint e custodi da quella sün basa privata (tablas cun diversas fluors). Avant duos ons ha quel però declerà da na plü pudair accumulir quella lezcha. Ella preschainta ün'offerta da Regula Boillier, respunsabla pel BAW, la quala surpigliess da concepir nouva quella senda. Ils cuosts s'amuntan a fr. 6'300.00. Il cussagl va d'accord in chosa e decida d'integrar la somma i'l preventiv 2015.

Abitaziun pedel chasa da scoula a Sarandschasch / surdatta da lavuors a reg. ingrondimaint da quella

Il vicecapo, A. Poo, suottametta la fatschenda sco eir la proposta da la cumischiun dal proget. Il cussagl surdà las lavuors seguond proposta sco segua:

Lavuors d'impressari

Lazzarini SA, Sent fr. 69'157.65

Lavuors da sbodada

Lazzarini SA, Sent fr. 22'603.35

Lavuors da s-chav

Koch SA, Ramosch fr. 17'429.25

Lavuors da fresar betun

Beton Bohr, G. Benderer, Sent fr. 12'643.90

SAC Germania / 125 ons chamonna Heidelberg

M. Caviezel infuormescha sur da la festa da giubileum, a la quala el vaiva fat part e surdat ün bel preschaint in nom dal cumün da Sent (plat da lain intaglià). Davart dals respunsabels ais uossa gnü ingrazchè in scrit ed exprimà il grond plaschair lasupra.

Problematica da pantiganas in cumün

Il capo orientescha, cha davart dal Radio Rumantsch d'eira gnü intervenà pro el a regard la problematica da pantiganas. El ha invià la fatschenda al manader tecnic.

Aperitiv da bivgnaint per nouvs abitants

M. Werro infuormescha, cha quel haja lö als 26 october 2014 e quai quist on in chasa da scoula, in cumbinaziun cun uffants da la scoula e lur magistra Maja Bischoff. Il cussagl ais amiaivelmaing invidà.

L'actuar:
Marco Fallet

Il capo:
Albert Mayer